

宋之問集

宋之問集

四部叢刊續編集部

宋
上海涵芬樓
景印常熟瞿
氏鐵琴銅劍
樓藏明刊本
集

四部叢刊續編

宋之問集

(一〇〇七)

翻刻必究

中華民國二十三年一月初版

每部一冊定價大洋肆角

外埠酌加運費匯費

發行人

王

上海

雲

河南

五路

印刷所

商

上海

印

河南

館路

發行所

商

上海

印

及各

館埠

宋之問集卷上

賦二首

五言古詩三十九首

七言古詩十六首

賦

秋蓮賦并

天授元年敕學士楊炯與之問分直於洛
城西入閣每雞鳴後至羽林伏闕人奏名
請龜契佇命拱立于御橋之西玉池清泠
紅蕖齒齒謬履扃闥自春徂秋見其生視

其長覩其盛惜其衰得終天年而無夭折
者良以隔礙仙禁人莫由窺向若生於瀟
湘洞庭溱洧淇澳即有吳姬越客鄭女衛
童芳心未成採擷都盡今委以白露順以
涼風榮落有期私分畢矣斐然願歌其事
久之乃述秋蓮賦焉

若夫西城祕掖止禁仙流見白露之先降
悲紅蕖之已秋昔之萳萳齊秀芳敷競發
君門閼兮九重兵衛儼兮千列綠蒂青枝
緣溝覆池映連旗以採艷輝長劒兮陸離

疏瀦兮裂轂交流兮相沃四繞兮丹禁三
匝兮承明曉而望之若霓裳宛轉朝玉京
夕而察之若霞標灼爍散赤城旣如秦女
艷日兮鳳鳴又似洛妃拾翠兮鴻驚足使
瑤草罷色芳樹無情複道兮詰曲離宮兮
相屬飛閣兮周廬金鋪兮壁除君之駕兮
旖旎蓮之葉兮扶踈萬乘顧兮駐綵騎六
宮喜予停羅裾仰仙遊而德澤縱玄覽而
神虛豈與夫溪澗兮沼沚自生兮自死海
沂兮江淹萬里兮烟波泛漢女遊湘娥佩

鳴玉戲清渦中流欲渡兮木蘭接幽泉一
曲兮採蓮歌江南兮峴北汀洲兮不極旣
有芳子莎城長無依兮水國豈知移植天
泉香飄列仙嬌紫臺之月露含玉宇之風
煙雜葩兮照燭衆彩兮相宣鳥翡翠兮丹
青翰樹珊瑚兮林碧鮮夫其生也春風盡
蕩爍日相煎天桃盡子穠李滅出大堤兮
艷欲燃夫其謝也秋灰度管金氣騰天宮
槐疎兮井桐變採寒波兮風颯然歸根息
艷兮八九月乘化無窮兮千萬年越人望

兮已長久鄭女採兮無由緣何深蒂之能
固何穠香之獨全別有待制楊雄悲秋宋
玉夏之來子翫早紅秋之暮兮悲餘綠禮
盛燕臺人非楚材雲霞圖兮蘭爲閣金銀
酒兮蓮作杯落英子徘徊風轉兮衰衰入
黃扉兮灑錦石縈白蘋兮覆綠苔寒暑茫
茫兮代謝故葉新花兮往來何秋日之可
哀託芙蓉以爲媒

太平公主池山賦

粵若公主誕生皇家太平徵郡國以選彌

叶時邕之美名孕靈蛾之秀彩輝嫫女之
淳精虹美霓熠蘭香玉清稟金后之玄訓
係列聖之聰明厭綺羅與絲竹愛清池及
赤城構仙山兮旣畢侔造化之神術其爲
狀也攢恠石而岑峯其爲異也含清風之
蕭瑟列海岸而爭聳分水亭而對出其東
則峯崖刻劃洞穴縈迴乍若風飄雨洒兮
移鬱島又似波沉浪息予見蓬萊圖萬重
于積石匿千嶺於天台荆門揭起兮壁峻
少室叢生兮劒開削成秀絕蓮華之覆高

掌獨立窈窕神女之戲陽臺爾其樵山釣
浦茅堂菌閣秘僊洞之瓊膏隱山家之塲
藿煙岑水涯繚繞逶迤翠蓮瑤草的皪分
披映江濱而爛爛浮海上而纍纍迺之罟
與衡霍豈吾人之所爲向背重復參差反
覆翳薈蒙龍含青吐紅陽崖奪景陰壑生
風奇樹抱石新花灌叢向若天長地久兮
苔蘚合古往今來兮林澗空始燕秦而開
影訪靈藥乎其中其西則翠屏巉岩山路
詰曲高閣祥雲丹岩吐綠忽兮旣涉弱水

兮至崑崙杳兮宜乘龍淶兮向巴蜀狀岷
嶓兮連屬鬱氛氲兮斷續岩虛兮谷浚藏
清兮蓄韻含珠兮蘊玉衆彩兮明潤芳闡
暮兮白日沉爽氣浮兮黛壑深風泉活活
兮鳴石葛藟青青兮蔓岑羅八方之奇獸
聚六合之珍禽別有複道三襲平臺四注
跨渚兮交林蒸雲兮起霧鴛鴦水兮鳳凰
樓文虹橋兮彩鷁舟山池成兮帝子遊試
一望兮銷人憂召七賢集五侯棹浦曲席
岩幽鳴玉珮兮登降列金觴兮獻酬未窮

觀而極覽忽雲散而風流于是乎上客旣
旋重扃巖閉榜童儼而高發綵女分而爲
衛牽水葉子張水嬉摘山花兮詠山桂燕
偃鷗驚兮代所稀鳳舞鸞歌兮儼欲飛披
烟弄月子宵未歸桂枝青露兮濕羅衣奕
弈濟濟兮夜旋玉邱隱隱崇崇兮朝趨帝
宮銀爐合席烟生霧集絳節繽紛楊光吐
文行軒卽水去馬騰雲鏘鏘翼翼兮旋丹
闕趨向紫氛寵極兮慈掌情勤兮幽賞戀
宸房兮候幽入憶茲山子來往採珠萼兮

山之側步蘭庭兮候顏色掇綠蘋兮于澗
潦宜室家子叶仇好即而貞心內潔淑則
遠傳談談者聞之而必勸缺薄者聞之而
凜然况復淮王招隱秦主隨仙弄子房之
琴瑟驅碧落之風烟賔屈宋於珠履引鄒
枚於玳筵秋華飛兮散紅樹春苔生兮覆
綠泉春秋寒暑兮歲榮落林巒沼汙子曰
芳鮮吾君永享南山壽車騎往來千萬年

五言古詩

下桂江龍目灘

停午出灘險輕舟容易前峯攢入雲樹崖
噴落江泉巨石潛山恠深篁隱洞仙鳥遊
溪寂寂猿嘯嶺娟娟揮袂日凡幾我行途
已千暝投蒼梧郡愁枕白雲眠

初到陸渾山莊

授衣感窮節策馬凌伊關歸逸人趣日
覺秋琴閑寒露衰北阜夕陽破東山浩歌
步岑樾栖鳥隨我還

夜飲東亭

春水鳴大壑皓月吐層岑岑壑景色佳慰

我遠遊心暗芳足幽氣驚栖多衆音高興
南山曲長誄橫素琴

送趙六貞固

目斷南浦雲心醉東郊柳怨別此何時青
芳來已久與君共時物盡此盈樽酒始願
今不從春風戀携手

題張老松樹

歲晚東岩下周顧何淒惻日落西山陰衆
草起寒色中有喬松樹使我長嘆息百尺
無寸枝一生自孤直

夜渡吳松江懷古

宿帆震澤口曉渡松江濱
櫂發魚龍氣舟衝鴻鴈群
寒潮頓覺滿暗浦稍將分
氣赤海生日光清湖起雲
水鄉盡天衛嘆息爲吳君
謀士伏劍死至今悲所聞

別之望後獨宿藍田山莊

鵲鴿有舊曲調苦不成歌
自嘆兄弟少常嗟離別多
爾尋北京路予卧南山阿
泉晚更幽咽雲秋尚嵯峨
藥欄聽蟬噪書幌見禽過
愁至願甘寢其如鄉夢何